

Öise Lade 6-2009, p. 54

Tar la partiziun da latg hai jau per ordinari pli ditg dad eleger tranter ils blers products. I dat uschè bleras sorts da jogurt, quagliada, chaschiel e spezialitads. Tar il latg liquid na poi dar malsegirtads e scumbigls. Latg è numnadamain



Oz la butia, ier la chascharia

latg, simplamain materia alva, e là na datti bler da discutir. U tuttina bain? Da pitschen hai jau gi l'impressiun ch'i dettia ina gronda differenza. Jau ma regord anc bain co ch'il latg vegniva derschi en la centrifuga e co che la gromma ed il paintg vegnivan fatgs. Igl era fascinant da guardar co ch'il liquid alv culava atras il cundriz cun quels blers rintgs. Quel am pariva sco in veritabel carussel dad otg. Anna Maria, la manadra da la butia, è sco jau creschida si a Saggogn. Cun ella hai jau gi endament pertutgand il bajetg che stava pli baud en il lieu da la butia. Ses geniturs na faschevan betg il pur uschia ch'ella stueva ir regularmain cun la sadella en la chascharia. Mia famiglia fascheva il pur, quai vul dir che nus manavan il latg en chascharia. Jau accompagnavel mes bab u il tat cura ch'els giavan en sennaria. Era Anna Maria sa regorda anc bain cura ch'il latg vegniva elavurà al lieu. Oz pudain nus gnanc s'immaginar con bain ch'i savurava da latg frestg, gromma e paintg. Cura ch'jau stun davant la frestgera en il Volg vegn era endamen co che jau e mes fragliuns eran scuidus sin Anna Maria e ses fragliuns. Enstagl da latg-vatga pudevan els adina puspè cumprar latg or dal pac. Quel gustava – almain per nus uffants da pur – bler miglier che noss latg che vegniva direct da la vatga.

Cordialmain

A handwritten signature in black ink that reads 'A Beeli'.

Augustin Beeli